



UNIVERSITÄTS-
BIBLIOTHEK
PADERBORN

Divi Thomae Aqvinatis Doctoris Angelici Opera Omnia

Summa diligentia ad exemplar Romanæ Impreßionis restituta
Complectens Primam Secundæ, & Secundam Secundæ Summæ
Theologiæ

Thomas <von Aquin, Heiliger>

Venetiis, 1593

Primo, Vtrum præcepta cæremonialia fuerint ante legem.

[urn:nbn:de:hbz:466:1-72759](https://nbn-resolving.org/urn:nbn:de:hbz:466:1-72759)

reuerentiam sacerdotum, quorum dignitas quodam modo ex tali coniugio diminui videretur: tum etiam propter filios, quibus esset ad ignominiam turpitudine matris: quod maxime tunc erat vitandum, quando sacerdotij dignitas secundum successorem generis conferebatur. Praeceptum etiam erat eis, vt non raderent caput, nec barbam, nec in carnibus suis facerent incisuram, ad remouendum idolatrie ritum. Nam sacerdotes Gentilium radebant caput & barbam. vnde dicitur Baruch. 6. Sacerdotes seder habentes tunicas scissas, & capita, & barbam rasam. Et etiam in cultu idolorum incidebant se cultris & lanceolis, vt dicitur 3. Regum 18. vnde contraria praeccepta sunt sacerdotibus veteris legis. Spirituales autem esse horum est, quia sacerdotes omnino debent esse immunes ab operibus mortuis, quae sunt opera peccati: & etiam non debent radere caput, id est, deponere sapientiam: neque deponere barbam, id est, sapientiae perfectionem: neque etiam scindere vestimenta, aut incidere carnes, vt scilicet vitium schismatis non incurrant.

¶ Super Quaestione centesima tertia. Articulus primus.

IN articulo. q. 123. nota duo. Primum in responsione ad 3. q. sacerdotium ante legem non diuina, sed humana determinatione, dignitas erat primogeniti, vt hinc habeas quam sacrum fuerit. Secundum in responsione ad quartum, quod auctor non dicit, quod nihil fuerit ante legem immundum iudicatum a Deo quantum ad esum: sed dicit quod non fuit distinctio animalium immundorum a mundis tunc a Deo: hoc enim est verum. Primum autem falsum: quia ad Noe dictum est Genes. 9. Quasi olera virentia tradidi vobis omnia, excepto, quod carnem cum sanguine non comedetis, & coepit haec obseruantia ante legem, sicut circuncisio.

Hebr. 7.

* q. 103. articulus 3.

QVAESTIO CIII.

De duratione praecceptorum caeremonialium, in quatuor articulos diuisa.

IN DE considerandum est de duratione caeremonialium praecceptorum.

ET circa hoc quaeruntur quatuor.

¶ **Primo**, Vtrum praeccepta caeremonialia fuerint ante legem.

¶ **Secundo**, Vtrum in lege aliquam virtutem habuerint iustificandi.

¶ **Tertio**, Vtrum cessauerint Christo veniente.

¶ **Quarto**, Vtrum sit peccatum mortale obseruare ea post Christum.

ARTICVLVS PRIMVS.

Vtrum caeremonia legis fuerint ante legem.

AD PRIMUM sic proceditur. Videtur, quod caeremoniae legis fuerint ante legem. Sacrificia enim & holocausta pertinent ad caeremonias veteris legis, vt supra dictum est: sed sacrificia & holocausta fuerunt ante legem, dicitur enim Genes. 4. quod Cain obtulit de fructibus terrae munera Domino: Abel autem obtulit de primogenitis gregis sui, & de adipibus eorum. Noe etiam obtulit holocausta Domino, vt dicitur Gene. 8. & Abraham similiter, vt dicitur Genes. 22. ergo caeremoniae veteris legis fuerunt ante legem.

¶ **2 Praet.** Ad caeremonias Sacramentorum pertinet constructio altaris & eius inunctio: sed ista fuerunt ante legem, legitur enim Genes. 13. q. Abraham edificauit altare Domino. & de Iacob dicitur Genes. 28. quod tulit lapidem & erexit in titulum, fundens oleum desuper. ergo caeremoniae legales fuerunt ante legem.

¶ **3 Praet.** Inter Sacramenta legalia, primum dicitur fuisse circuncisio: sed circuncisio fuit ante legem, vt patet Gene. 17. similiter etiam sacerdotium fuit ante

legem. dicitur enim Genes. 14. quod Melchisedech erat sacerdos Dei summi. ergo caeremoniae sacerdotum fuerunt ante legem.

¶ **4 Praet.** Discretio mundorum animalium ab hominibus pertinet ad caeremonias obseruariarum, vt dicitur Genes. 7. Ex omnibus mundis animalibus tollentur septena: de animalibus vero immundis duo, ergo caeremoniae legales fuerunt ante legem.

SED CONTRA est, quod dicitur Deut. 6. Haec sunt verba quae mandauit Dominus noster, vt docerem vos: non autem indignum foret per his doceri, si prius praedictae caeremoniae fuerint, ergo caeremoniae legis non fuerunt ante legem.

RESPON. Dicendum quod sicut ex dictis patet, caeremoniae legis ad duo ordinabatur, scilicet ad cultum Dei, & ad figurandum Christum. Quicumque colit Deum, oportet quod per aliqua determinata colat, quae ad exteriorem cultum pertinent. Determinatio autem diuini cultus pertinet ad caeremonias, etiam determinatio eorum, per quae ordinatur ad Christum, pertinet ad praeccepta iudicialia, vt supra dictum est. & ideo sicut inter homines communiter aliqua iudicialia, non tamen ex auctoritate, sed ratione hominum ordinata: ita etiam quaedam caeremoniae, non quidem ex auctoritate cuius legis determinata, sed solum secundum voluntatem deuotionem hominum Deum colentium. Sed quae ante legem fuerint quidam viri praecipui praecepta spiritui pollentes, credendum est, quod ex institutione dei quasi ex quadam priuata lege, inducerentur ad certum modum colendi Deum, qui & comitatus esset interiori cultui, & etiam congrueret ad cultum Christi mysteria, quae figurabantur in aliis eorum gestis, secundum illud 1. ad Cor. 10. Omnia figuram contingebant illis. Fuerunt igitur ante legem quaedam caeremoniae, non tamen caeremoniae quae non erant per aliquam legislationem institutae.

AD PRIMUM ergo dicendum, quod hominum oblationes & sacrificia, & holocausta offerebantur ante legem ex quadam deuotione propriae voluntatis, & non eis videbatur conueniens, vt in rebus quas a Deo ceperant, quas in reuerentiam diuinam offerrent, praerentur se colere Deum, qui est omnium principum creator.

AD SECUNDUM dicendum, quod etiam sacrificia instituerunt: quia videbatur eis conueniens in reuerentiam diuinam essent aliqua loca distincta diuino cultui mancipata.

AD TERTIUM dicendum, quod sacramentum circuncisio praeccepto diuino fuit statutum ante legem, non potest dici sacramentum legis quasi in lege institutum, sed solum quasi in lege obseruatum. Et hoc quod Dominus dicit 10. 7. Circuncisio non est Moysi, sed ex patribus eius. Sacerdotium etiam erat ante legem apud colentes Deum secundum humanam determinationem, qui hanc dignitatem primogenitis attribuebant.

AD QUARTUM dicendum, quod distinctio mundorum animalium, & immundorum non fuit ante legem, quae ad esum, cum dictum sit Gene. 9. Omne quod uiuit, erit vobis in cibo, sed solum quantum ad inferiorum oblationem: quia de quibusdam determinatis animalibus sacrificia offerebant. Si tamen quantum ad esum erat aliqua animalium discretio, hoc non erat, quod illorum reputaretur illicitus, cum nulla lege edicta esset, sed propter abominationem, vel consuetudinem, & nunc videmus, quod aliqua cibaria sunt immunda & terribilia, quae in alijs comeduntur.